

**ՀՀ ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵԻ
ԻՐԱՎԱԲԱՆԱԿԱՆ ՎԱՐՉՈՒԹՅՈՒՆ**

ՈՐՈՇՈՒՄ թիվ 022436/11

ՎԱՐՉԱԿԱՆ ԻՐԱՎԱԽԱՆՏՄԱՆ ԳՈՐԾԻ ՎԵՐԱԲԵՐՅԱԼ

Ես՝ ՀՀ ՊԵԿ իրավաբանական վարչության պետ Ա.Մնացականյանս, քննելով վարչական իրավախախտման վերաբերյալ թիվ **22436** գործը և ուսումնասիրելով վարչական իրավախախտման վերաբերյալ 25.10.2018թ. թիվ **22436** արձանագրությունը,

ՊԱՐԶԵՑԻ

<<ՔԵՐ ՀԱՄԱՐ ՍՊԻՏԱԿ>> Հիմնադրամի (<ՎՀՀ 06805538>) նախագահ Մկրտիչ Ավետիսյանը համաձայն <<Հիմնադրամների մասին>> ՀՀ օրենքի 39-րդ հոդվածի սահմանված ժամկետում <http://www.azdarar.am> հասցեում գտնվող Հայաստանի Հանրապետության հրապարակային ծանուցումների պաշտոնական ինտերնետային կայքում չի հրապարակել հիմնադրամի գործունեության մասին 2017թ. հաշվետվությունը:

ՀՀ ՊԵԿ ԻՎ 03.07.2018թ. թիվ 376546/11 որոշմամբ Մկրտիչ Ավետիսյանի նկատմամբ կիրառվել է նախազգուշացում համաձայն <<Վարչական իրավախախտումների վերաբերյալ>> ՀՀ օրենսգրքի 169¹⁸ հոդվածի 1-ին մասի:

<<ՔԵՐ ՀԱՄԱՐ ՍՊԻՏԱԿ>> Հիմնադրամը չի հրապարակել 2017թ. Ֆինանսական հաշվետվությունը և 02.08.2018թ.-ին նախազգուշացման մասին 02.07.2018թ. թիվ 376546/11 որոշումը ստանալուց հետո 30 օրվա ընթացքում չի կատարել նախազգուշացման պահանջները, ինչի համար վարչական պատասխանատվություն է նախատեսված <<Վարչական իրավախախտումների վերաբերյալ>> ՀՀ օրենսգրքի 169¹⁸ հոդվածի 2-րդ մասով:

Նկատի ունենալով, որ արարքը նախատեսված է Վարչական իրավախախտումների վերաբերյալ ՀՀ օրենսգրքի 169¹⁸ հոդվածի 2-րդ մասով ուստի ղեկավարվելով Վարչական իրավախախտումների վերաբերյալ ՀՀ օրենսգրքի 32-րդ հոդվածի 2-րդ մասով, 244², 281 հոդվածներով և 282 հոդվածի 1-ին մասի 1-ին կետով՝

ՈՐՈՇԵՑԻ

Համաձայն Վարչական իրավախախտումների վերաբերյալ ՀՀ օրենսգրքի 169¹⁸ հոդվածի 2-րդ մասի, նախագահ Մկրտիչ Ավետիսյանի նկատմամբ կիրառել վարչական տույժ՝ նշանակել տուգանք 50.000 դրամի չափով:

ԻՐԱՎԱԲԱՆԱԿԱՆ ՎԱՐՉՈՒԹՅԱՆ ՊԵՏ

Ա.ՄՆԱՑԱԿԱՆՅԱՆ

Համաձայն <<Վարչական իրավախախտումների վերաբերյալ>> ՀՀ օրենսգրքի 169¹⁸ հոդվածի.

Հիմնադրամների կողմից հաշվետվությունը թերի հրապարակելը, օրենքով սահմանված կարգով և ժամկետներում հիմնադրամների կողմից հաշվետվությունը չհրապարակելը, Հայաստանի Հանրապետության կառավարությանն առընթեր պետական եկամուտների կոմիտեին հրապարակելու մասին չծանուցելը՝

առաջացնում է նախազգուշացում հիմնադրամների պաշտոնատար անձանց նկատմամբ:

Օրենքով սահմանված կարգով և ժամկետներում հիմնադրամների կողմից հաշվետվությունը չհրապարակելը, Հանրապետության կառավարությանն առընթեր պետական եկամուտների կոմիտեին հրապարակելու մասին չծանուցելը, Հայաստանի Հանրապետության կառավարությանն առընթեր պետական եկամուտների կոմիտե մամուլի միջոցի օրինակը և հաշվետվությունը կամ դրա պատճենը չներկայացնելը, ինչպես նաև երեսուն օրվա ընթացքում նախազգուշացման պահանջները չկատարելը՝ առաջացնում է տուգանքի նշանակում հիմնադրամների պաշտոնատար անձանց նկատմամբ՝ սահմանված նվազագույն աշխատավարձի հիսնապատիկի չափով:

Տուգանքի նշանակման օրվանից հետո՝ երեսուն օրվա ընթացքում, հիմնադրամի կողմից սույն հոդվածով նախատեսված խախտումը (խախտումները) չվերացնելը՝ առաջացնում է տուգանքի նշանակում հիմնադրամների պաշտոնատար անձանց նկատմամբ՝ սահմանված նվազագույն աշխատավարձի երկուհարյուրապատիկի չափով:

Այսուհետ վարչական պատասխանատվությունից խուսափելու համար առաջարկվում է 30 օրվա ընթացքում կատարել նախազգուշացման պահանջները՝ հրապարակել գործունեության մասին հաշվետվությունը, ֆինանսական հաշվետվությունների վերաբերյալ աուդիտն իրականացնող անձի եզրակացությունը և այդ մասին ծանուցել ՀՀ կառավարությանն առընթեր պետական եկամուտների կոմիտեին:

Խախտողի կողմից տուգանքը պետք է վճարվի տուգանք նշանակելու մասին որոշումը նրան հանձնելու օրվանից ոչ ուշ, քան տասնհինգ օրվա ընթացքում, իսկ այդ որոշումը գանգատարկելու դեպքում՝ գանգատը կամ բողոքը առանց բավարարման թողնելու մասին ծանուցման օրվանից ոչ ուշ, քան տասնհինգ օրվա ընթացքում (հոդված 305, մաս 1) գանձապետական հետևյալ հաշվեմարաններին. **900005240487՝** տուգանքի **70%**, **900013000246՝** տուգանքի **30%** վճարման անդորրագրի <<նպատակ>> դաշտում

պարտադիր նշելով որոշման համարը:

Մասնակցեցի գործի քննությանը, որոշման վերաբերյալ առարկություններ չունեմ _____
Ստացա որոշման պատճենը _____